

儀

禮

釋

官

儀禮釋官卷六

績溪胡匡衷樸齋著

特牲饋食禮

有司羣執事

有司羣執事如兄弟服東面北上禮士之屬吏也禮左傳云士有隸子弟謂此言爲屬吏而已

案此經上有子姓兄弟則有司不兼子弟可知疏引左傳非也不直云有司而兼云羣執事蓋公有司私臣皆統之矣有司羣執事分言之凡職有專司者謂之有司無專司而臨事來助祭者謂之羣執事禮有

賓執事者注云賓執事者賓客來執事者統言之則自主人以下凡有事於廟中者皆可以執事稱之下云執事之俎陳於階間二列北上注云執事謂有司及兄弟祝主人主婦之俎亦存焉是也

主人及賓兄弟羣執事卽位於門外如初

案敖氏繼公曰此於賓兄弟之下言羣執事則是指公有司私臣而言也

筮人

筮人取筮於西塾執之東面受命於主人  
**筮人**官名也  
**筮**案周禮春官有卜人筮人此士禮亦云筮人故云

官名也

見士冠禮

卦者

卦者在左卒筮寫卦<sup>○</sup>卦者主畫地識爻爻備以方寫之

見士冠禮

宰

宰自主人之左贊命<sup>○</sup>宰羣吏之長<sup>○</sup>云宰羣吏之長者贊命之事非長不為又天子諸侯宰皆尊官故知羣吏之長也

見士冠禮

宗人

宗人告事畢

案宗人見士冠禮周禮肆師職曰凡祭祀禮成則告事畢

宗人升自西階視壺濯及豆籩反降東北面告濯具宗人視牲告充

宗人舉獸尾告備舉鼎鬯告潔

案周禮大宗伯職曰眡滌濯小宗伯職曰大祭祀省牲眡滌濯告時於王告備於王

祝

祝筵几於室中東面禮記至此使祝接神

祝洗酌奠奠於鉶南

案祝見士昏禮周禮小祝贊奠疏云贊奠者大祝酌酒奠於鉶南小祝贊之大夫以上祝官不止一人禮記有小士之祝當止一人而已

祝迎尸於門外

案周禮大祝職曰祭祀迎尸

祝延尸尸升入祝先

祝命按祭禮記命詔尸也

案周禮大祝職曰相尸禮小祝職曰贊隋注隋尸之祭也

祝命徹昨俎豆邊設於東序下

案周禮大祝職曰既祭令徹

雍正

雍正私臣掌割亨者

雍正作豕豕雍正官名也

案雍正卽雍人也少牢有雍人又有雍正故雍正爲雍人之長此士之官當止一人也

公有司

私臣

**記**若有公有司私臣皆殺晉注公有司亦士之屬命於君者也私臣自己所辟除者疏己所辟除者則府史之等不命於君者也

案士之私臣少不足以供祀事故有公有司來助祭者公有司蓋士之僚友若士之屬官以其與士同為

臣於公非家之私臣故言公以別之有司則賓及執

事之通稱

祭統羣有司鄭注云衆實下及執事者

敖氏繼公謂公有司

公家所使給私家之事者恐非士之喪事公家使人

治之若祭事未必然也又此經明言私臣則士亦有



臣而注疏謂士無臣之說非矣

王制大夫士宗廟之祭有田則祭無田則

薦鄭注引禮器羔豚而祭百官皆足孔疏云士薦而云百官者士之屬吏以衆言之亦曰百官故汜閣答任厥問曰士有屬官佐祭特牲饋食云公有司私臣皆殺胥百官皆足抑謂此也

又案通考士禮諸篇宰祝宗人筮人卦者外御族長  
圉人御者童子雍正之屬士之私臣也士喪既夕二  
篇所言甸人管人夏祝商祝冢人卜人隸人遂匠之  
屬公家之臣來給事者也注未別白賈疏泥於士無  
臣之說依違遷就無所考證教氏繼公則謂宰祝宗  
人之屬皆公有司公家所使給事於私家者其說亦  
非公家使人給事於私家惟喪禮耳此篇助祭之公

有司亦是士自宿之不必公家使之也冠禮自賓及贊者外凡執事皆士之私臣曲禮士不名家相家相卽家宰則士得有私臣爲宰矣昏禮舅姑旣沒婦奠菜於廟有祝帥婦以入豈婦之廟見公家亦使人給其事乎竊以士冠士昏及此篇所陳官名皆士之私臣但士卑臣少若祝宗人雍正之屬或不必有專官臨事設之以其其職士之私臣有二一以府史胥徒爲之注疏謂自己所辟除不命於君者是也一以子弟爲之左傳士有隸子弟服注士卑自以其子弟爲僕隸者是也敖氏之解殆猶惑於士無臣之說與

魯語

叔孫穆子云士有陪乘告奔走也是士又有陪乘之  
官韋注陪禮重也奔走使令也陪乘蓋如貳車之屬

少牢饋食禮

史

史筮史即筮人也

史朝服左執筮右抽上韉兼與筮執之東面受命於主人  
注史家臣主筮事者注案雜記大夫士筮亦云史練冠長衣是史主筮事也

案古者卜筮之官通稱史周禮占人職凡卜筮史占

墨春秋每筮皆曰史又謂掌筮者為筮史詳卷八卜筮官考

是也左傳晉趙鞅卜救鄭占諸史趙史墨史龜齊崔

武子筮之遇困之大過史皆曰吉孔疏云史者筮人也是大夫

之家有史主筮矣

此言史特牲言筮人一也

卒筮乃書卦於木示主人乃退占  史受以示主人退占東面旅占之

案士冠禮疏引此經及注並與此異又謂鄭意大夫卜筮同用一龜一易誤也辨見前

### 卦者

卦者在左坐  卦者史之屬也  以其筮是史故知卦者是史之屬也

見士冠禮

### 宗人

宗人如周禮都家宗人之職周禮都宗人上士  
二人中士四人家宗人如都宗人之數侯國之  
家宗人其數未聞

宗人命滌

案宗人詳士冠禮周禮都宗人掌都祭祀之禮家宗  
人掌家祭祀之禮大宗伯職曰宿眡滌濯

既宿尸反爲期於廟門之外主人門東南面宗人朝服  
北面曰請祭期主人曰比於子宗人曰旦明行事

案周禮肆師職曰凡祭祀宿爲期詔相其禮

周禮宗  
伯肆師

同官

宗人告備

案周禮小宗伯職曰大祭祀告備於王

宗人奉槃東面於庭南一宗人奉匱水西面於槃東一宗人奉篋巾南面於槃北

案周禮都家宗人上士中士共六人其下又有府史胥徒之屬據此經宗人則有三是侯國大夫之宗人亦不止一人也

宰

宰家宰卿以大夫爲之大夫以士爲之

宰命爲酒

案宰詳士冠禮春秋時凡卿大夫私邑皆有邑宰其家又有家宰曲禮問大夫之富曰有宰食力此邑宰也大夫邑宰無定數家宰則家止一人所以相家事主政教猶天子之有冢宰諸侯之有執政喪服傳所謂貴臣聘禮所謂老也此經宰命爲酒周禮酒人其祭祀之酒其職屬冢宰故宰命爲之

又案家宰尊於邑宰其爵各下其主一等諸侯之卿得立大夫一人以爲宰陽貨爲季氏宰而孟子云貨以禮大夫有賜於士檀弓陳子車死於衛其妻與其家大夫謀以殉葬子亢曰彼疾當養者孰若妻與宰



是家宰為大夫之證若邑宰則士為之喪服傳曰公卿大夫室老士貴臣注云士邑宰雜記士居堊室注云士亦謂邑宰是也春秋時邑宰通稱大夫昭二十六年傳云成大夫公孫朝又家臣之通例孤卿得臣大夫大夫得臣士士得臣府史士相見禮士見於大夫若嘗為臣者則禮辭其贄玉藻大夫私事使私人擯注士臣於大夫曰私人特牲士之私臣注云府史以下此家臣之差等也

祝

小祝

吉則乃遂宿尸祝擯注祝為擯者尸神象疏案特牲使

宗人擯主人辭又有祝共傳命者士卑不嫌兩有與人君同此大夫尊下人君故闕之唯有祝擯而已

案左傳晉叔向稱范武子祝史陳信於鬼神魯叔孫昭子使祝宗祈死是大夫之家有祝明矣聘禮疏謂大夫本無祝官非是辨見前

祝設几於筵上疏按特牲云祝筵几鄭云使祝接神此使司宮者此大夫禮異於士故司宮設席祝設几大夫官多故使兩官共其事

祝延尸尸升自西階入祝從注由後詔相之曰延延進也周禮曰大祝相尸禮疏大祝職云相尸禮注云延其

出入詔其坐作是也

皇尸命工祝注工官也

案詩楚茨工祝致告毛傳云善其事曰工

小祝設槃匱與篋巾於西階東注爲尸將盥

案小祝佐祝者據此則大夫之祝非一人矣周禮小祝職曰大祭祀沃尸盥疏云案少牢尸入廟門盥於槃其時小祝沃水

司馬

司馬大夫家臣爲司馬者如周禮家司馬之職

司馬判羊注尙書傳曰羊屬火疏此尙書大傳文引之

者解司馬刳羊以其司馬火官還使刳羊羊屬火故也  
案周禮家司馬各使其臣以正於公司馬鄭注卿大  
夫之采地王不特置司馬各自使其家臣爲司馬主  
其地之軍賦周禮都司馬王所置每都上士二人中  
士四人鄭注都王子弟及三公采地  
攷左傳有叔孫氏之司馬馵戾又季氏以公鉏爲馬  
正杜注馬正家司馬是大夫自以其家臣爲司馬也  
周禮司馬下有羊人祭祀刳羊牲此司馬刳羊蓋兼  
其職

司士

司士贊者

信雅齋集卷之六  
司士擊豕疏案周禮鄭注司空奉豕司士乃司馬之屬  
官今不使司空者諸侯猶兼官大夫又職職相兼司士  
兼其職可知

案周禮司士職曰凡祭祀帥其屬而割牲羞俎豆故  
此經擊豕升鼎實俎司士掌之

司士又升魚腊注司士又升副倅者疏謂是第三俎其  
司士與前文司士升豕者別知者以下經云司士三人  
升魚腊膚則此豕魚腊宜各一人云倅亦副之別名

案注云副倅即謂司士贊者下文司士贊者二人與  
司士爲三故經又云司士三人也贊者其佐

司士合執二俎以從司士贊者二人皆合執二俎以相從入

雍人

雍正

雍府

雍人家臣主割亨者雍正雍人之長雍府其屬  
雍人概鼎匕俎於雍爨注雍人掌割亨之事者疏周禮  
養人職文

案雍與養通鄭注周禮云養割亨煎和之稱左傳季  
氏有養人檀是大夫之家有養人也

雍人陳鼎五疏案公食大夫云甸人陳鼎鄭注云甸人豕宰之屬兼亨人者此大夫雍人陳鼎者周禮甸人掌其薪蒸與亨饗聯職相通是以諸侯無亨人故甸人陳鼎此大夫又無甸人故使饗人與亨人聯職故亨人云職外內饗之饗亨故使雍人也

案公食禮甸人陳鼎彼疏云少牢雍人陳鼎者以其無甸人官故雍人陳鼎也較此疏爲了截

雍人倫膚九實於一鼎

案周禮內饗職曰凡宗廟之祭祀掌割亨之事外饗職曰掌外祭祀之割亨其其脯脩刑臠陳其鼎俎實

之牲體魚腊

鼎序入雍正執一匕以從雍府執四匕以從

案下篇注云雍正羣吏掌辨體名肉物者府其屬周禮凡官之長皆曰正雍正即雍人之長也又周禮內饔外饔下皆有府二人

廩人

廩人概甌齎匕與敦於廩○廩人掌米入之藏者○掌米入之藏者周禮地官廩人職文以其穀入倉人米入廩人故也

案敖氏繼公曰廩人與雍人對言則是掌爲餽者也

儀禮釋官卷六

少牢

士



攷周禮廩人職祭祀其其接盛饎人掌凡祭祀其盛  
鄭司農云饎人主炊官特牲曰主婦視饎爨此經廩  
人概甑甗匕與敦於廩爨則廩人掌爲饎之事殆兼  
饎人之職與

司宮

司宮概豆籩勺爵觚解凡洗篚於東堂下注大夫攝官  
司宮兼掌祭器也疏下文司宮筵神席於奧此又掌豆  
籩之等故鄭云攝官案內則鄭注云諸侯兼官者彼對  
天子天子六卿諸侯三卿兼六卿此則大夫對諸侯諸  
侯具官大夫攝官也

案左傳序叔孫氏之難云司宮射之是大夫家臣有司宮也

又案注云大夫攝官者禮運云大夫具官非禮也孔子譏管氏官事不攝焉得儉此篇司馬刳羊兼羊人之職司士擊豕兼司空之職雍人陳鼎兼甸人之職廩人概餽廩匕與敦兼饌人之職司宮又兼掌祭器皆足爲攝官之證

### 宰夫

宰夫以籩受嗇黍注宰夫掌飲食之事者疏此宰夫以籩受嗇大夫之禮特牲祝以籩受彼士禮與大夫異也

案楚茨詩注云嘏之禮祝徧取黍稷牢肉魚孺於醢以授尸孝孫前就尸受之天子使宰夫受之以筐

案周禮宰夫職無受黍之文鄭楚茨注亦以此經推之敖氏繼公曰宰夫司士大夫之私人也

### 有司贊者

有司贊者取爵於篚以升

案凡事有專主之者謂之有司贊者則有司之助鄉飲酒記主人之贊者注云贊佐也謂主人之屬佐助主人禮事是其言贊之義

有司徹

有司

有司徹疏下大夫不償尸餽訖云有司官徹饋注云官徹饋者司馬司士舉俎宰夫取敦及豆

案有司卽司馬司士宰夫之屬

宗人

宗人擯疏案少牢宿尸祝擯此宗人擯者以祝不與償尸故使宗人爲擯也

見上篇

司馬

司馬羞滂魚一如尸禮卒爵拜三獻答拜受爵

案司馬見上篇敖氏繼公曰此司馬當作司士字之誤也上下皆司士爲之此不宜使司馬且司馬唯主羊俎耳羞滂魚非其事也

雍人

雍正

雍府

見上篇

雍正執一匕以從雍府執二匕以從注雍正羣吏掌辨體名肉物者府其屬注案周禮內饗職云掌割亨煎和

之事辨體名肉物注云體名脊脅肩臂臠之屬肉物截  
燔之屬此士士字疑大之雍正所掌亦依之也

宰

主人降受宰凡用周禮大宰掌贊玉凡玉爵疏引大宰  
者證宰授主人凡之義

案宰見上篇大夫之宰相家事亦如天子之有大宰  
宰夫

宰夫贊者

宰夫羞房中之羞於尸侑主人主婦皆右之

宰夫自東房薦脯醢

宰夫執薦以從設於祭東

宰夫薦棗糗

案周禮宰夫職曰以式瀆掌祭祀之戒具與其薦羞  
注薦脯醢也羞庶羞內羞

宰夫贊者取白黑以投尸

案宰夫贊者宰夫之屬義與有司贊者同

私人

主人降洗升獻私人於阼階上  
注私人家臣已所自謁  
除也大夫言私人明不純臣也士言私臣明有君之道  
疏云私人家臣已所自謁除也者此對公士得君所命

者此乃大夫自謁請於君除其課役以補任爲之云大夫言私人明不純臣也者大夫尊近於君故屈已之臣名爲私人云士言私臣明有君之道者士卑不嫌近君故得名屬吏爲私臣也

案郊特牲云大夫之臣不稽首非尊家臣以辟君也亦此注不純臣之義士相見禮賓對曰某也夫子之賤私注家臣稱私玉藻大夫私事使私人擯則稱名注臣於大夫者曰私人是也

又案喪服傳曰公卿大夫室老士貴臣其餘皆衆臣也又曰近臣君服斯服之矣注室老家相也士邑宰



也近臣闈寺之屬據此則大夫家臣有三等家宰邑宰為貴臣餘皆眾臣闈寺之屬為近臣也

司宮 見上篇

司士

司士贊者 見上篇

祝 見上篇

案大夫家臣別有考附卷八末

儀禮釋官卷六

葛 英校字

儀禮釋官卷七

續溪胡匡衷樸齋著

侯國官制補考上

諸侯官制已亡儀禮止存什一今蒐輯諸經補所未備以見侯國設

官之舊畧依周禮官名考之擇其近古者著於篇左傳官制別有春秋列國職官譜詳之茲不具錄焉

孤卿大夫士庶人在官者總考

**周禮**

乃施典於邦國而建其牧立其監設其

參傅其伍陳其殷置其輔**田**參謂卿三人伍謂大夫五

人殷衆也謂衆士也王制諸侯上士二十七人其中士

下士各居其上之三分輔府史庶人在官者**疏**設其參

者謂諸侯之國各立三卿傅其伍者謂三卿下各立五

大夫陳其殷者三卿下各陳士九人三九二十七置其  
輔者謂三卿下各設府史胥徒云參謂卿三人者案左  
氏傳杜泄云吾子爲司徒夫子爲司馬孟氏爲司空則  
諸侯三卿司徒司馬司空也云伍謂大夫五人者謂司  
徒下二大夫一大夫爲司徒大夫一大夫爲大宰大夫  
司空下二大夫一大夫主司寇事一大夫爲司空大夫  
司馬事省闕一大夫故五人云殷衆也謂衆士者士稱  
殷與旅同並是衆義故鄭謂衆士也

案天子六卿諸侯之制半天子故卿止三人也若大  
夫則不止五人經云傳其伍蓋指副於卿者言之周

禮六官之屬卿止六人而中大夫不止小宰小司徒等十二人是其明證士亦不止二十七人王制但就上士言之其中士下士則無文也

**大宗伯之職**以九儀之命正邦國之位壹命受職禮記始見命爲正吏謂列國之士於子男爲大夫禮記云始見命爲正吏者對府史胥徒非正吏云謂列國之士者謂公侯伯爲列國典命公侯伯之士一命故鄭以列國之士解之也云於子男爲大夫者典命子男大夫一命是也再命受服禮記列國之大夫再命於子男爲卿禮記云列國之大夫再命者亦據典命公侯伯之大夫同再命而知

云於子男爲卿者亦據典命而言也

三命受位注此列國之卿始有列位於王爲王之臣也  
四命受器注此公之孤始得有祭器者也

**典命**公之孤四命以皮帛眡小國之君其卿三命其大夫再命其士一命其宮室車旗衣服禮儀各眡其命之數侯伯之卿大夫士亦如之子男之卿再命其大夫一命其士不命其宮室車旗衣服禮儀各眡其命之數注  
鄭司農云九命上公得置孤卿一人春秋傳曰列國之卿當小國之君固周制也疏案昭二十三年左傳云叔孫婁爲晉所執晉人使與邾大夫坐訟叔孫曰列國之

卿當小國之君固周制也寡君命介子服回在是其事也若然先鄭引魯之卿以證孤者孤亦得名卿故匠人云外有九室九卿朝焉是并六卿與三孤爲九卿亦得名卿者以其命數同也魯是侯爵非上公亦得置孤者魯爲州牧立孤與公同若然其孤則以卿爲之故叔孫婣自比於孤也

案據周禮則諸侯惟上公大國得有孤一人春秋時侯國置孤已僭晉以侯爵而有大師大傅二孤見文六年傳尤非禮也

**禮記**諸侯之上大夫卿下大夫上士中士下士凡

五等注上大夫曰卿注上大夫卿者見下文云下大夫  
倍上士卿四大夫祿是下大夫之上則有卿故知上大  
夫卽卿也此上大夫卿外惟有下大夫所以下文除卿  
之外更有上大夫下大夫者謂就下大夫之中更分爲  
上下耳上大夫卿亦兼孤故春秋陽處父爲大傅經云  
晉殺其大夫陽處父是也孤亦稱公故鄉飲酒禮云公  
三重是孤也殷以前大夫以上有爵故士冠禮云古者  
生無爵死無諡謂士也周則士亦有爵故鄭注周制以  
士爲爵是也

天子之元士視附庸注周禮公侯伯之士雖一命不得

稱元士其夏殷以上諸侯之士皆不命也

制農田百畝百畝之分上農夫食九人其次食八人其次食七人其次食六人下農夫食五人庶人在官者其祿以是爲差也。注庶人在官謂府史之屬官長所除不命於天子國君者。疏云庶人在官謂府史之屬者則周禮大宰云府六人史十有二人云之屬謂工人賈人及胥徒也云官長所除不命於天子國君者官長謂冢宰爲天官之長司徒爲地官之長自所命或若大府爲府卿官之長大司樂爲樂官之長是也言所除者謂所命之官除去其舊名藉周禮注云凡府史以下官長所自



辟除以其非九命之內故知不命於天子國君也若子男之士雖無命亦當命於國君也以其稱士故也

案庶人在官者注疏以為府史胥徒及工人賈人是

矣然古者有未得爵命之士謂之士旅食其祿與庶

人在官者等亦謂之庶人在官者見燕禮注周禮序官若

地官鄰長賈公彥云鄰長是不命之士為之之類不言爵者皆是也

王制云司馬論進士之賢者以告於王而定其論論

定然後官之任官然後爵之位定然後祿之孟子云

上士一位中士一位下士一位此正爵也謂之命士

若學校之士升於司馬隸於司士而未有命者則先

試之以官俟其任官然後以正爵命之所試之官則如鄰長之類諸侯之官降天子一等凡天子下士之官諸侯當使不命之士爲之但無正爵則亦未得九人以上之正祿故比諸府史以下庶人在官似兼不命之士方爲賅備府史胥徒自是每官之長所自辟除士冠禮注可證賈公彥周禮疏謂若治官六十其下府史皆大宰辟召非也又經云其祿以是爲差謂府食八人祿史食七人祿胥食六人祿徒食五人祿是其差見燕禮疏

案此云上農夫食九人下云諸侯之下士視上農夫又云諸侯之下

士祿食九人則府史之等自食八人以下也

諸侯之下士視上農夫祿足以代其耕也中士倍下士  
上士倍中士下大夫倍上士卿四大夫祿君十卿祿次  
國之卿三大夫祿君十卿祿小國之卿倍大夫祿君十  
卿祿注此班祿尊卑之差疏經云下士視上農夫祿足  
以代其耕也則庶人在官者雖食八人以下不得代耕  
故載師有官田謂庶人在官之田大夫以下位卑祿少  
故大小國不殊卿與君祿重位尊故祿隨國之大小爲  
節案周禮天子卿大夫士與諸侯之臣執贄同則祿亦  
同也此自下士至小國之卿倍大夫祿皆據無采地者  
言之故鄭答臨頌云王畿方千里者凡九百萬夫之地

三分去一定受田者三百萬夫出都家之田以其餘地  
之稅祿無田者下士食九人中士食十八人上士三十  
六人下大夫七十二人中大夫百四十四人卿二百八  
十八人

樂此言諸臣班祿之制與孟子畧同當是周初侯國

之制大夫以上有采地者其祿取於采地卿大夫采地亦視國

之大小為節見下無則以公田所入之稅祿之士無采地其

祿一受於公故周禮有司祿主班祿禮運云大夫有

采以處其子孫國語云大夫食邑士食田事注受於公田為

足證諸侯之士無地矣

次國之上卿位當大國之中中當其下下當其上大夫  
小國之上卿位當大國之下卿中當其上大夫下當其  
下大夫注此諸侯使卿大夫覲聘並會之序也其爵位  
同小國在下爵異固在上耳

其有中士下士者數各居其上之三分注謂其爲介若  
特行而並會也居猶當也此據大國而言大國之士爲  
上次國之士爲中小國之士爲下士之數國皆二十七  
人各三分之上九中九下九以位相當則次國之上士  
當大國之中中當其下小國之上士當大國之下凡非  
命士亦無出會之事疏中士者謂次國之士下士者謂

小國之士大國之士既分爲三分次國小國之士亦分爲三分今大國之士既定在朝會若其有中國之士小國之士者其行位之數各居其上國之三分之二謂次國以大國爲上而次國上九當大國中九次國中九當大國下九是當其大國之三分之二小國以次國爲上小國上九當次國中九小國中九當次國下九亦是居上三分之二也是各居其上之三分

案大國次國小國皆有上中下士此特就上士二十七人之中更分爲上中下耳諸侯之中士下士其數

未聞

大國三卿皆命於天子下大夫五人上士二十九人次  
國三卿二卿命於天子一卿命於其君下大夫五人上  
士二十七人小國二卿皆命於其君下大夫五人上士  
二十七人通命於天子者天子選用之小國亦三卿一  
卿命於天子二卿命於其君此文似誤脫耳或者欲見  
畿內之國二卿與疏此一節論夏家天子命諸侯之國  
卿大夫及士之數前既云夏官此亦夏禮卿大夫士數  
五等之國悉同但大國三卿並受命於天子也夏之大  
國謂公與侯也殷周大國並公也下大夫五人者崔氏  
云三卿命於天子則大夫以下皆其君自命之也三卿

則上中下三品而合上下今云下大夫五人者取卿爲  
言耳知大夫有上下者案前云次國之下卿位當大國  
之上大夫是也上士二十七人者云上士者對府史之  
屬也周禮五等國悉三卿五大夫二十七士皆與此同  
但公國長有四命孤一人故典命云公之孤四命以皮  
帛眡小國之君其卿三命其大夫再命其士壹命侯伯  
之卿大夫士亦如之子男之卿再命其大夫一命其士  
不命而鄭注再引王制以成彼義當恐周之人數與王  
制同也且曾子問是明當時周法而云國家五官則五  
大夫大夫若五則知餘亦不異也且豕宰云施典於邦



國設其參傅其伍鄭云參謂卿三人伍謂大夫五人次國者夏則伯殷則侯周則侯伯也而卿大夫士之命及人之數與大國同但一卿其君自命為異也小國者殷謂伯夏周同子男也案鄭注言小國亦三卿差次而言應一卿命於天子二卿命於其君此惟言二卿則似誤也鄭何以得知應三卿案前云小國又有上中下三卿位當大國之下大夫若無三卿何上中下之有乎故知有三卿也

案此言三卿五大夫制與周禮合當是周因於夏之制大宰職云施典於邦國設其參不言小國有異則

小國亦三卿明矣鄉飲酒義云建國必立三卿是也

又案據周禮王制諸侯止三卿春秋時宋鄭皆有六

卿晉有八卿其新上下軍未罷時且有十二卿左傳成三

年晉作六軍韓厥趙括鞏朔韓穿荀躒趙旃皆為卿比天子之卿猶倍之僭矣

甚矣

大國之卿不過三命下卿再命小國之卿與下大夫一

命注不著次國之卿者以大國之下互明之此卿命則

異大夫皆同周禮公侯伯之卿三命其大夫再命子男

之卿再命其大夫一命疏經直云大國之卿及小國之

卿不云次國故云不著次國之卿云以大國之下互明

之者以大國之卿不過三命則知次國之卿不過再命  
大國下卿再命則知次國下卿一命故云互明之云此  
卿命則異者以大國上卿三命下卿再命次國上卿再  
命下卿一命小國上下卿並皆一命故云卿命則異云  
大夫皆同者謂大國次國小國大夫皆同一命今經云  
小國之卿與下大夫一命既與小國連文知非直據小  
國下大夫一命者以經云大國下卿再命以次差之明  
大夫一命自然次國大夫亦一命故云大夫皆同此夏  
殷制也案周禮云公國之孤四命與餘卿不同則知此  
大國之卿不過三命亦謂孤也大國下卿再命者謂除

孤以外之卿就再命之中分爲中卿下卿也故前文云次國之上卿位當大國之中是也次國之卿再命亦謂上卿執政者若魯之季孫下卿一命亦分爲中下二等故前文云中當其下下當其上大夫是也小國之卿雖同一命亦分爲三等故前文云小國之上卿位當大國之下卿中當其上大夫下當其下大夫其大國次國小國大夫雖同一命當皆分爲上下二等文已具於上今總云下大夫者對卿言之

案此言諸臣命數與周禮不同自是夏殷之制王制雜陳前代之禮故所記不皆周制也

諸侯之下士祿食九人中士食十八人上士食三十六人下大夫食七十二人卿食二百八十八人君食二千八百八十人次國之卿食二百一十六人君食二千一百六十人小國之卿食百四十四人君食千四百四十四人次國之卿命於其君者如小國之卿疏大國三卿皆命於天子則其祿各食二百八十八人若次國三卿二卿命於天子祿各食二百一十六人而一卿命於其君爲賤則祿不可等命於天子者故視小國卿小國卿食一百四十四人也其若子男一卿命於天子二卿命於其君則祿猶如此其命天子卿無以異也其國小故不

復差降也或云視大夫也

案鄭志答臨碩云孟子當赧王之際王制之作復在其後此篇言侯國班祿之制與孟子異同當卽依孟子之文而爲之者也

**論語**問乃命國家五官而后行**禮記**五官五大夫典事者**疏**案大宰云建其牧立其監設其參傅其伍是諸侯有三卿五大夫經云五官故云五大夫以屬官大夫其數衆多直云五者據典國事者言之

案據此疏則諸侯大夫不止五人明矣周禮云傅其伍王制云下大夫五人皆謂三卿下佐事者其餘大

夫尚多不止此也

**祭法**適士二廟官師一廟庶士庶人無廟也適士上士也官師中士下士庶士府史之屬

案諸侯官制已亾其見於經而可考者上公之國有

孤一人

儀禮謂之公侯伯以下無之

其餘五等之國皆卿三人大

夫五人上士二十七人而已士有中士下士而其數

未聞士之下為庶人在官者又有不命之士謂之士

旅食亦與庶人在官者等殷以前士無爵周則士亦

有爵其命數依周禮公之孤四命公侯伯之卿三命

大夫再命士一命子男之卿再命大夫一命士不命

但子男之士雖不命於天子亦當命於國君故上士中士下士均謂之命士惟庶人在官者不命故孟子言班爵不及之其祿大夫以上取於采地士以下則受祿於公其大夫無采地者亦與士同此其考於經而可見者也

**如傳** 凡公女嫁於敵國姊妹則上卿送之以禮於先君公子則下卿送之於大國雖公子亦上卿送之於天子則諸卿皆行公不自送於小國則上大夫送之疏周禮序官唯有中大夫無上大夫也禮記王制曰諸侯之上大夫卿鄭元云上大夫曰卿則上大夫即卿



也又無上大夫矣而此云上大夫者諸侯之制三卿五大夫五人之中又復分爲上下成三年傳曰次國之上卿當大國之中中當其下下當其上大夫小國之上卿當大國之下卿中當其上大夫下當其下大夫是分大夫爲上下也

案春秋卿與大夫皆謂之大夫分言之卿爲上大夫大夫爲下大夫王制諸侯之上大夫卿下大夫是也此復就三卿之中分爲上中下又就下大夫之中更分爲上下故左傳有冢卿介卿亞卿之稱下大夫亦謂之亞旅牧誓傳云亞旅衆大夫其位次卿是也又

謂之嬖大夫左傳昭元年云子皙上大夫汝嬖大夫是也周禮有中大夫無上大夫諸侯之上大夫卽卿亦無中大夫左傳僖十五年云晉侯許賂中大夫杜注中大夫國內執政里丕等與周禮中大夫別也

**禮記雜記**

大夫之喪其升正柩也執引者三百人注諸

侯之大夫邑有三百戶之制疏謂小國中下大夫也故鄭注易訟卦云小國之下大夫采地方一成其定稅三百家故三百戶也其實大國下大夫亦三百戶故論語云管仲奪伯氏駢邑三百注云伯氏齊大夫是齊爲大國下大夫亦三百家也其天子公卿大夫案小司徒職

注云百里之國凡四都五十里之國凡四縣二十五里之國凡四甸然則大都公之采地方百里小都卿之采地方五十里家邑大夫采地方二十五里熊氏云以此推之公之大都采地方百里侯伯大都采地方五十里子男大都采地方二十五里以畿外地闕故公之大都與天子大都同也其中都采地無文其小都則下大夫三百家一成之地也一成所以三百家者一成九百夫宮室塗巷山澤三分去一餘有六百夫地又不易一易再易通率一家而受二夫之地是定稅三百家也

案諸侯孤卿大夫之采地無明文可證唯此疏及坊

記疏由周禮推之畧存其概此引熊氏云公大都采  
地方百里侯伯大都方五十里子男大都方二十五  
里中都無文小都一成之地方十里今案公之采地當  
三等侯伯子男采地當二等公之孤方百里卿方五  
十里大夫方十里侯伯之卿大夫亦如之子男之卿  
方二十五里大夫方十里據周禮大國有孤如天子  
三公天子之公采地與卿異則大國之孤亦當與卿  
異侯伯子男無孤惟有卿大夫故采地當但分二等  
不必有中都也侯伯之卿采地與公之卿俱方五十  
里者以其命數同也子男之卿異於公侯伯者以子

男國小地狹故卿降而爲方二十五里大夫仍方十里不降者據孟子言班祿之制大小國大夫之祿不殊而卿以上各異則知侯國之大夫采地皆一成也又案天子地方千里大都方百里公地方五百里大都亦方百里不降者以天子大都所封有三公及致仕者又有王親子弟公大都唯孤而已公侯伯之卿采地亦與天子之卿同五十里者以諸侯止三卿故雖地狹亦足相容也

**坊記**家富不過百乘疏經云家富不過百乘者諸侯之卿采地也故左傳云唯卿備百邑地方百里也

百邑當依鄭志

解疏誤  
辨見後

直云唯卿百邑未知天子諸侯公卿大夫采地

大小案鄭注小司徒云百里之國凡四都五十里之國

凡四縣二十五里之國凡四甸又云采地食者皆四之

一說者據此以為公食百里卿食五十里大夫食二十

五里其諸侯之卿大夫傳云卿備百邑論語云百乘之

家此據諸侯臣之采地則公之孤侯伯之卿與天子三

公同俱方百里

天子之卿采地五十里而侯伯之卿反  
百里加於天子之卿一倍俱亦甚矣此

疏所引皇氏之  
說俱未足據

公之卿與侯伯之大夫俱方五十里公

之大夫與侯伯之下大夫

又分侯伯之大  
夫為二亦非

俱方二十五

里其子男之地唯方二百里以下其卿之采地不得復

方百里案易訟卦注云小國之下大夫采地方一成其  
定稅三百家唯有此文其子男中都大都無以言之案  
鄭注論語云伯氏駢邑三百家云齊下大夫之制似公  
侯伯下大夫唯三百家者但春秋之時齊之強臣尤多  
故伯氏唯食三百家之邑不與禮同也此皆皇氏之說  
熊氏以爲卿備百邑者鄭志以爲邑方二里與百乘別  
又以諸侯臣賜地無常得地者卿百乘下大夫同十里  
之成

案疏引皇熊二家之說熊比皇爲勝左傳唯卿備百  
邑鄭志以爲邑方二里者據小司徒四井爲邑言之

方里而井四其說自確百邑即方二十里之縣小國

井為方二里之卿采地也言二十五里者據旁加而言此免餘意主辭邑故據

卿祿之少者言之自卿而上乃有百邑則大夫不得

備百邑故惟一成方十里也周禮司勳掌賞地之政

令凡賞無常輕重眊功又云唯加田無國正諸凡云

百乘者當據采地之外有加賜者言之此云家富不

加賜亦以百乘為限非謂班祿之制卿采地有百乘也如左傳魯賜季友汶陽

之田及費晉賞桓子狄臣千室亦賞士伯以瓜衍之

縣是也杜預解百邑以為一乘之邑百邑即百乘說

無所據



三卿司徒司馬司空五大夫小宰小司徒小司寇考

**禮記** 崔氏云三卿者依周制而言謂立司徒兼

冢宰之事立司馬兼宗伯之事立司空兼司寇之事故

春秋左傳云季孫為司徒叔孫為司馬孟孫為司空此

是三卿也以此推之故知諸侯不立冢宰宗伯司寇之

官也下大夫五人者謂司徒之下置小卿二人一是小

宰一是小司徒司空之下亦置二小卿一是小司寇一

是小司空也司馬之下惟置一小卿小司馬也故公羊

傳襄十一年作三軍三軍者何三卿也古者上卿下卿

上士下士何休云古者諸侯有司徒司空上卿各一下

卿各二司馬事省上下卿各一若有軍事上士相上卿下士相下卿足以爲治今襄公乃益司馬故云作三軍踰王制故譏之下卿卽大夫也

**檀弓**夫子制於中都**禮記**孔子由中都宰爲司空由司空爲司寇**禮記**崔靈恩云諸侯五大夫者司徒之下立二人小宰小司徒司馬之下以其事省立一人爲小司馬兼宗伯之事司空之下立二人小司寇小司空今夫子爲司空者爲小司空也從小司空爲小司寇也

**禮記**后王命冢宰降德於衆兆民**禮記**周禮冢宰掌飲食司徒掌十二教令一云冢宰記者據諸侯也諸侯并六

卿爲三或兼職焉疏今此內則之篇既有飲食又有教令則經文當云命冢宰司徒兩官備言之今唯一云冢宰不兼言司徒者是司徒兼冢宰之事故云記者據諸侯而言之

**尚書**御事司徒司馬司空四治事三卿司徒主民司馬主兵司空主土

**酒誥**矧惟若疇圻父薄違農父若保宏父定辟矧汝剛制於酒傳圻父司馬農父司徒宏父司空司馬司徒司空列國諸侯三卿

**梓材**我有師師司徒司馬司空尹旅曰予罔厲殺人

言國之三卿正官衆大夫皆順典常而曰我無厲虐殺人之事如此則善矣

**立政**司徒司馬司空亞旅闕此有三卿及次卿衆大夫則是文武朱伐紂特舉文武之初以爲法則

**詩經**乃召司空乃召司徒闕司空司徒卿官也司空掌營國邑司徒掌徒役之事疏大王之時以殷之大國當立三卿其一蓋司馬乎時不召者司馬於營國之事無所掌故也

**禮記**曾子問

小宰升舉幣此經是諸侯之制小宰諸侯大夫

案諸侯三卿其來已久詩曰乃召司空乃召司徒牧

誓及立政言文武未得天下以前制皆曰司徒司馬  
司空至武王有天下立六卿而三卿遂定爲諸侯之  
制是以酒誥梓材俱云司徒司馬司空也春秋時有  
可考者如襄十年傳云子國爲司馬子耳爲司空子  
孔爲司徒二十五年傳子產入陳司徒致民司馬致  
節司空致地昭四年傳云吾子爲司徒夫子爲司馬  
孟孫爲司空此三卿爲司徒司馬司空之證若五大  
夫則小宰見曾子問左傳宋有大司馬少司馬晉之  
士蔦爲大司空宋之邊卽爲大司徒言大則有小可  
知特諸侯三卿無大宰大司寇之官而楚與宋有少

宰又有大宰宋有少司寇又有大司寇則東遷後所  
僭散不如古也

儀禮釋官卷七

仰元校字

儀禮釋官卷七

考  
上

充

儀禮釋官卷八

績溪胡匡衷樸齋著

侯國官制補考下

庖人

**禮記祭統**夫祭有異輝胞翟闞者惠下之道也唯有德之君為能行此胞者肉吏之賤者也

**禮記禮運**祭統云胞者肉吏之賤者胞即周禮庖人漢

書百官公卿表有胞人師古曰故注云庖之言苞也裹

胞人主掌宰割者胞與庖同

肉曰苞苴其職供王之膳羞是肉吏是也其官次於韠人周禮韠人亡庖人中士四人下士八人

此疏謂諸侯庖人非士說

未的今  
不錄

案孟子言國君欲養君子曰庖人繼肉則諸侯有庖人明矣天子庖人中士諸侯當下士爲之凡諸侯之官降天子一等見燕禮注疏後可由此推之

獸人

左傳宣公十二年獸人無乃不給於鮮

案周禮獸人中士四人下士八人其職云掌管田獸  
漁師

左傳襄公二十五年申蒯侍漁者注侍漁監取魚之官

國語魯語古者大寒降土蟄發水虞於是乎講罟罾取



名魚登川禽而嘗之寢廟行諸國人助宣氣也因水虞  
漁師也掌川澤之禁令

案周禮有敷人中士二人下士四人其職云掌以時  
敷爲梁凡敷者掌其政令此漁師蓋如天子敷人之  
職也

醫

**左傳** 宣公三年 晉侯使醫衍酖衛侯

**史記** 秦本紀 秦伯使醫緩爲之

案周禮醫師上士二人下士四人其職云掌醫之政  
令

府人

**禮記文公六年**司城蕩意諸來奔效節於府人而出

**昭公十二年**使府人庫人各儆其事疏周官有大府內

府外府玉府天府泉府而無掌庫之官蓋府庫通言庫亦謂之府也諸侯國異政殊故府庫並言也

**昭公二十五年**子家子反賜於府人

案春秋諸國有府人而無大府玉府內府外府之官則諸侯府人兼彼數職可知矣庫人周禮無之或其所添設也周禮大府為府官之長下大夫二人上士四人下士八人諸侯之府人當士為之

寺人

**禮記**未見君子寺人之令**禮記**寺人內小臣也**疏**天官序官云內小臣奄上士四人寺人王之正內五人則天子之官內小臣與寺人別官也燕禮諸侯之禮也經云獻左右正與內小臣是諸侯之官有內小臣也左傳齊有寺人貂晉有寺人披是諸侯之官有寺人也然則寺人與內小臣別官矣此云寺人內小臣者解寺人官之尊卑及所掌之意言寺人是在內細小之臣非謂寺人卽是內小臣之官也

案周禮寺人職曰掌王之內人及女官之戒令賈疏

云寺人奄人不掌男子而秦詩云欲見國君先令寺人者彼秦仲宣王命作大夫始大有車馬其官未備故寺人兼小臣是以寺人得掌男子然則秦詩所云蓋一時權宜之制其實寺人掌內人不傳君命故燕禮有小臣戒與者孔疏謂諸侯兼官寺人傳達君命是禮之常非也寺亦作侍鄭注周禮云寺之言侍蓋取親近侍御之義左傳又有侍人

內豎

**禮記文王世子**問內豎之御者曰今日安否何如注內豎小臣之屬掌外內之通命者

左傳僖公二十八年曹伯之豎侯孺貨筮史注豎掌通

內外者

案周禮內豎倍寺人之數鄭注豎未冠者之官名

世婦

**禮記曲禮**公侯有夫人有世婦有妻有妾注貶於天子

也無后與嬪去上中

**祭義**君皮弁素積卜三官之夫人世婦之吉者使入

於鸞室注諸侯夫人三宮半王后也注世婦之吉者亦

諸侯世婦

案周禮序官有九嬪世婦女御據曲禮則諸侯無九

嬪也

女史

**詩謂女備** 古者后夫人必有女史彤管之澤史不記過其罪殺之后妃羣妾以禮御於君所女史書其日月授之以環以進退之 **周禮** 女史八人注云女史女奴職書者其職云掌王后之禮職掌內治之貳以詔后治內政逆內宮書內令凡后之事以禮從夫人女史亦如之案據此則諸侯夫人亦有女史也

鄉遂官考

**禮記內則** 宰告閭史閭史書為二其一藏諸閭府其一

獻諸州史州史獻諸州伯州伯命藏諸州府四閭爲  
族族百家也閭胥中士一人五黨爲州州二千五百家  
也州長中大夫一人也皆有屬吏四閭爲族以下皆  
周禮地官文云皆有屬吏者閭之屬吏則有閭史也州  
之屬吏則有州史也州伯則州長也州府是州長之府

藏

案內則所記多諸侯之禮周禮序官鄉大夫以下皆  
無府史胥徒此有閭史州史又有閭府州府或周禮  
闕也

**鄉飲酒義**

鄉人士君子尊於房戶之間賓主共之也

鄉人鄉大夫也士州長黨正也

案鄉大夫見鄉飲酒禮州長見鄉射禮周禮鄉大夫每鄉卿一人州長每州中大夫一人黨正每黨下大夫一人族師每族上士一人閭胥每閭中士一人比長五家下士一人依此注士爲州長黨正推之諸侯之州長當上士黨正當中士族師當下士若閭胥比長之屬則庶人在官也費誓曰魯人三郊三遂諸侯大國三鄉次國二鄉小國一鄉其族師以下雖無文亦當有此官也

左傳襄公九年

二師令四鄉正敬享

田

鄉正鄉大夫



周禮大司徒云五家爲比五比爲閭四閭爲族五族爲黨五黨爲州五州爲鄉卿大夫每鄉卿一人天子六鄉卽以卿爲之長此傳云二師令四鄉正則別立鄉正非卿典之但其所職掌當天子之鄉大夫耳周禮鄉爲一軍大國三軍宋是大國不過三軍而有四鄉者當時所立非正法也

**國語齊語**正月之朝鄉長復事謂鄉長鄉大夫也周禮正月之吉鄉大夫受法於司徒退班於鄉吏以考其行

**左傳襄公七年**叔仲昭伯爲隧正注隧正主役注九年注云隧正官名五縣爲隧則隧正當周禮之遂人也

襄公九年宋災令隄正納和保和火所隄正官名也

五縣為隄疏此隄正官天子之遂大夫故遂大夫職云

各掌其遂之政令遂人職云五家為鄰五鄰為里四里

為鄣五鄣為鄙五鄙為縣五縣為遂鄭司農云王國百

里內為六鄉外為六遂尚書費誓云魯人三郊三遂然

則諸侯之有鄉遂亦以郊內郊外別之也

案諸侯大國三遂次國二遂小國一遂周禮遂人中

大夫二人遂大夫每遂中大夫一人縣正每縣下大

夫一人鄙師每鄙上士一人鄉長每鄉中士一人里

宰每里下士一人鄉長五家則一人賈公彥云鄉長是不命之士侯

之孔疏以隨正當周禮之遂大夫又以爲當周禮之  
遂人諸侯兼官隨正或兼二職據魯叔仲昭伯爲隨  
正則諸侯亦使大夫爲之也

魯叔仲氏世爲大夫

**昭公四年** 山人取之縣人傳之謂縣人遂屬國周禮五  
縣爲遂是縣爲遂之屬也

案縣人疑如周禮縣正之官卽帥以下諸例皆亦有  
之但無文可證耳

**昭公十三年** 使帥甸攻而殺之謂帥甸郊野之帥  
禮載師云以公邑之田任甸地帥甸者有甸地之帥當是  
公邑之大夫也

襄公三十二年趙孟問其縣大夫則其屬也  
之長公邑稱大夫私邑則稱宰此言問其縣大夫問縣  
縣之大夫也終非趙武私邑而云則其屬者趙武公  
邑國卿分掌之而此邑屬趙武也

案周禮四處公邑皆有大夫治之故戰國時魯二百  
里三百里其大夫如州長四百里五百里其大夫如  
縣正又云遂人亦監焉諸侯之公邑亦使大夫治之  
但國卿分掌其地與周禮異也

封人

禮記卷八十七 封人 類考叔為穎谷封人 封人典封疆者

周禮封人掌為畿封而樹之天子封人職典封疆知諸侯封人亦然也傳言祭仲足為祭封人宋高哀為蕭封人論語有儀封人

案周禮封人中士四人下士八人

牧人

自牧歸養田官也

禮記祭義古者天子諸侯必有養獸之官養獸者若

周禮牧人也

案周禮牧人下士六人注牧人養牲於野田者

縣師

儀禮釋官卷八

考下

八

卷之六 三十 師 以為絳縣師 縣師掌地域辨其夫

家人民 周禮縣師上士二人其職掌邦國都鄙甸  
郊里之地域而辨其夫家人民田萊之數及其六畜車  
輦之稽凡造都邑量其地而制其域以歲時徵野之賦  
貢天子之縣師掌此諸事則諸侯之縣師亦當然

師

儒

以九兩葉邦國之民三日師以賢得民四  
曰儒以道得民 師諸侯師氏有德行以教民者儒諸  
侯保氏有六藝以教民者 諸侯變保言儒儒亦有道

德之稱也

案周禮師氏中大夫一人上士二人保氏下大夫一人中士二人以次差之諸侯之師氏當下大夫保氏當上士也

門尹

**國語**周語門尹除門注門尹司門也

案左傳有門尹般門尹得又石乞尹門杜注云爲門尹是諸侯之司門謂之門尹也周禮司門下大夫二人上士四人中士八人下士十有六人每門下士二人

虞人

禮記喪大記復有林麓則虞人設階注虞人主林麓之

官也

左傳昭公二十二年齊侯田於沛招虞人以弓注虞人掌

山澤之官

哀十四年傳以賜虞人注同

案周禮山虞掌山林之政令林衡掌巡林麓之禁令而平其守川衡掌巡川澤之禁令而平其守澤虞掌國澤之政令據鄭注及杜注則諸侯似惟立虞人之官總主山林川澤而已周禮山虞澤虞皆中士則諸侯之虞人蓋下士爲之



迹人

**左傳哀公十四年**迹人來告曰逢澤有介麋焉**注**主迹禽獸者**疏**周禮地官迹人掌邦田之政凡田獵者受命焉鄭注云迹之言跡知禽獸之處也

案周禮迹人中士四人下士八人

廩人

**禮記**以君命將之再拜稽首而受其後廩人繼粟

案周禮廩人下大夫二人其職云掌九穀之數據少牢大夫有廩人則諸侯當亦有之國語云敵國賓至廩人獻餼是諸侯有廩人也

司服

**禮記喪大訓**卷衣投於前司服受之注司服以篋待衣於堂前

宋士喪禮復者降衣於前受用篋注云人君則司服受之是諸侯有司服之官周禮司服中士二人

司墓

**左傳昭公十二年**司墓之室有當道者注司墓之室鄭之掌公墓大夫徒屬之家圖周禮墓大夫下大夫二人中士八人掌凡邦墓之地域為之圖令國民族葬鄭之司墓亦當如彼

案周禮冢人掌王及諸臣之葬地基大夫掌萬民之葬地所掌不同諸侯之司墓亦當與冢人別也冢人見士喪禮

### 樂官考

**詩簡兮**序衛之賢者仕於泠官泠官樂官也泠氏世掌樂官而善焉故後世多號樂官爲泠官**禮**泠官者樂官之總名周禮大司樂樂師天子之官也諸侯之禮亡其官屬不可得而知燕禮注云樂正於天子爲樂師也則諸侯有樂正之屬乎

**禮記文選**

小樂正學于大胥贊之管師學戈籥師

丞贊之注四人皆樂官之屬也小樂正樂師也周禮樂師掌國學之政教國子小舞大胥掌學士之版以待致諸子春入學舍菜合舞秋頒學合聲籥師掌教國子舞羽吹籥注云小樂正樂師也者諸侯謂之小樂正天子謂之樂師此經多有諸侯之禮故謂之大樂正小樂正也周禮唯有籥師此云籥師丞者或諸侯之禮

樂樂正詳燕禮文王世子所記雖不皆文王為世子時事然據其官名往往與儀禮燕射諸篇相合則文王以前為諸侯之制亦畧存焉周公制禮別立天子之官而以文武未得天下以前之官制為諸侯制如牧誓云司徒司馬司空後述定為諸侯之三卿此可證也詩簡兮

日之方中在前上處鄭箋引周禮大胥職為證是諸

侯亦有大胥小胥之官也周禮大胥中士四人小胥下士八人

**與大詔**復無林麓則狄人設階狄人樂吏之賤者

君喪狄人出壺

**翟**翟者樂吏之賤者也翟謂教羽舞者也**翟**云翟

謂教羽舞者羽翟羽故詩抑風云左手執籥右手秉翟

翟即狄也古字通用

案周禮無狄人唯有籥師中士四人其職云掌教國

子舞羽歛籥此注云翟謂教羽舞者然則諸侯之狄

人豈即籥師與

卜筮官考

**禮記內則**國君世子生告於君接以大牢宰掌具三日  
卜士負之

**禮記**卜人定龜史定墨君定體**禮記**定龜謂靈射之屬所  
當用者

**左傳閔公元年**成季之將生也桓公使卜楚邱之父卜  
之**禮記**卜楚邱魯掌卜大夫

案周禮掌卜之官有大卜卜師卜人諸侯似唯有卜  
人而已左傳多言卜人或單言卜唯楚稱卜尹又稱  
開卜則其國所自名也

又案周禮大卜下大夫二人諸侯之官降於天子則掌卜者士耳故內則云卜士杜氏以爲大夫非也

**傳公十** 晉獻公筮嫁伯姬於秦史蘇占之 **史蘇**  
晉卜筮之史

案古者通謂掌文詞之官爲史兆卦皆有猶詞故掌卜筮者亦稱史左傳曹伯之豎侯獮貨筮史邾文公卜遷於繹史曰利於民而不利於君國語公子親筮之曰尙有晉國筮史占之皆曰不吉韋注筮史筮人掌以三易辨九筮之名是也 周禮筮人中士二人

**史公光** 若立君則有卿士大夫與守龜在

案守龜杜氏無注國語老請守龜卜室之族韋注守龜卜人也周禮有龜人中士二人掌六龜之屬據韋注及玉藻云卜人定龜似諸侯別無龜人之官以卜人掌之而已

**襄公十七年** 衛侯夢於北宮公親筮之胥彌赦占之

赦術筮史

案周禮有大小筮人又有占人下士八人掌占龜筮儀禮士喪禮占者三人在其南卜人及執燠席者在塾西卜人外別有占者此云公親筮之胥彌赦占之筮與占異人似諸侯亦常有占人之職也



占夢

左傳哀公十四年衛侯占夢嬖人求酒於大叔僖子

案周禮占夢中士二人其職云以日月星辰占六夢之吉凶

巫

左傳僖公十四年夏大旱公欲焚巫尪巫尪女巫也主祈禱請雨者周禮女巫職云旱暵則舞雩此以爲旱欲焚之故知巫女巫也

魏公十年召桑田巫

禮記檀弓然則吾欲暴巫而奚若巫主接神周禮女

巫旱暵則舞雩

案周禮司巫中士二人男巫無數女巫無數其師中士四人男巫見士喪禮

火師

燎即火師司火

案單子身為王朝卿士而云周之秩官有之則此篇所言官制當是周初侯國之制矣先儒云火師即司燧周禮司燧下士二人

候人

詩候人 彼候人兮何戈與祿 圖候人 道路送迎賓客者  
疏夏官序云 候人上士六人 下士十有二人 史六人 徒  
百有二十人 注云 候人迎賓客之來者 彼天子之官 候  
人是上士 下士則諸侯之候人 亦應是士 天子候人之  
徒百二十人 諸侯候人之徒數必少於天子

案國語云 敵國賓至 候人爲導 是諸侯亦有候人之  
官 主送迎賓客之事也

### 挈壺氏

詩東方未明 挈壺氏不能掌其職焉 圖挈壺氏掌漏  
刻者 疏挈壺氏於天子爲司馬之屬 其官士也 故夏官

序云挈壺氏下士六人注云挈讀如絜髮之絜壺盛水器也世主挈壺水以爲漏

狂夫瞿瞿傳古者有挈壺氏以水火分日夜以告時於朝圖天子備官挈壺寧漏雞人告時諸侯兼官不立雞人故挈壺告也庭燎箋云王有雞人之官是鄭意以爲唯王者有雞人諸侯則無也

案周禮雞人疏亦云諸侯兼官挈壺氏兼告期是諸侯有挈壺氏兼雞人之職也

旅賁氏

**國語**

天子有虎賁習武訓也諸侯有旅賁禦災害

也。禮旅賁掌執戈盾夾車而趨車止則持輪所以備非常禁災害也。

案周禮旅賁氏中士二人下士十有六人國語衛武公在輿有旅賁之規是諸侯有旅賁氏也。

### 節服氏

周禮節服氏掌祭祀朝覲表冕六人維王之大常諸侯則四人其服亦如之。

案序官節服氏下士八人據其職云諸侯則四人是諸侯亦有節服氏也。

### 御右官考

**禮記** 魯莊公及宋人戰於乘邱 鄭賁父御 卜國為右 凡車右勇力者為之

**禮記** 曲沃武公伐翼 次於陘庭 韓萬御戎 梁宏為右 御戎僕也 右戎車之右 周禮 戎僕掌御戎車 戎右掌戎車之兵革 使故知御為戎僕 右是戎車之右也

**禮記** 關丹獲其戎車 與其戎右 少師 戎右 車右也

**禮記** 成公十八年 弁糾御戎 校正屬焉 使訓諸御 知義 周禮 大御 御官之長 別有戎僕 掌御戎車 春秋 征伐之世

以御戎爲重此御戎當是御之尊者

程鄭爲乘馬御六騶屬焉使訓羣騶知禮注乘馬御乘車之僕也乘車尙禮容故訓羣騶使知禮注周禮齊僕下大夫掌馭金路以賓朝覲宗遇饗食皆乘金路杜言乘馬御乘車之僕則當彼齊僕也晉語謂之贊僕當時之官名耳程鄭爲乘馬御御之貴者

案周禮御有大馭戎僕齊僕道僕田僕馭夫右有戎右齊右道右春秋諸國之官可考見者惟有戎車之御謂之御戎其右謂之戎右而已乘車則惟晉有乘馬御餘無徵也周禮戎右中大夫戎僕亦中大夫諸

侯之御戎戎右當下大夫為之

校人

**左傳成公十八年** 弁糾御戎校正屬焉 **注** 校正主馬官

**疏** 校正常周禮校人校人掌王馬之政襄九年傳曰命校正出馬知是主馬之官也周禮校人不屬大御此蓋諸侯兼官或是悼公新法此傳所言諸官皆不得與周禮同也

**襄公九年** 使皇即命校正出馬 **注** 校正主馬 **疏** 校正於

周禮為校人是司馬之屬官也

**哀公三年** 校人乘馬 **注** 校人掌馬



案周禮校人中大夫二人上士四人下士十有六人  
諸侯校人亦當不止一人校正蓋其長也

圉人

**禮記檀弓** 圉人浴馬有流矢在白肉 **禮記檀弓** 圉人掌養馬者  
**疏** 左傳云牛有牧馬有圉

案周禮圉師乘一人徒二人圉人良馬四一人駑馬  
麗一人圉師職云掌教圉人養馬圉人職云掌養馬  
芻牧之事以役圉師春秋諸國唯有圉人無圉師或  
諸侯止立圉人之官也

士師

論語 柳下惠爲士師注 士師典獄之官 士師卽周禮  
司寇之屬有士師鄉士皆以士爲官名鄭注云士察也  
主察獄訟之事是士師爲典獄之官也

案周禮士師下大夫四人諸侯之士師當士爲之故  
孟子云柳下惠不卑小官也論語又云孟氏使陽膚  
爲士師諸侯三卿司空職兼司寇左傳云孟氏爲司  
空故士師屬焉此足證諸侯無大司寇之官以司空  
兼之而顧寧人謂左傳臧紇爲司寇亦小司寇之說  
可信也

左傳晉有理官衛有大士皆亦士  
師之屬其官名蓋東遷後所變易

隸人

**左傳襄公二十一年**隸人牧圉各瞻其事

**昭公四年**與人納之隸人藏之注與隸皆賤官

案周禮司隸中士二人下士十有二人其下有罪隸  
蠻隸閩隸夷隸貉隸司隸職曰掌五隸之灋邦有祭  
祀賓客喪紀之事則役其煩辱之事鄭注引士喪禮  
下篇曰隸人涅廁是隸人卽司隸之屬諸侯不必有  
蠻隸以下之官然罪隸則亦有之左傳云斐豹隸也  
著於丹書是可證也

### 條狼氏

**周禮條狼氏**掌執鞭以趨辟王出入則八人夾道公則

六人侯伯則四人子男則二人

案周禮條狼氏下士爲之鄭注引論語執鞭之士以爲士之賤者據其職云公則六人侯伯則四人子男則二人是諸侯亦有條狼氏之官也

行人

**禮記檀弓**陳大宰詔使於師夫差謂行人儀曰是夫也多言盍嘗問焉**注**行人官名也

**左傳襄公四年**韓獻子使行人子員問之**注**行人通使之官**疏**周禮大行人掌大賓之禮大客之儀小行人掌使適四方協賓客之禮諸侯行人當亦通掌此事故爲

通使之官也

**國語**周語敵國賓至關尹以告行理以節逆之**禮**理吏也行理小行人

案周禮大行人中大夫二人小行人下大夫四人春秋諸國皆有行人而不言大小則諸侯僅立行人之官通掌其事明矣國語注以行理爲小行人者據周禮小行人掌逆賓客言之其實行理與行人一也

匠師

**禮記檀弓**季康子之母死公輸若方小**禮**公輸若匠師疏以匠師主窆故鄉師云及窆執斧以泣匠師是也

**國語魯語**嚴公丹桓公之楹而刻其桷匠師慶言於公  
**注**匠師慶掌匠大夫御孫之名也

案周禮鄉師注云匠師事官之屬其於司空若鄉師  
之於司徒也匠師主衆匠疏鄉師是司徒考匠師是  
司空考據禮記及國語則匠師之官諸侯亦有之周  
禮鄉師下大夫匠師與鄉師同諸侯之官降於天子  
匠師蓋士爲之國語云匠師慶言於公而左傳襄公  
四年有匠慶謂季文子上距嚴公刻桓公桷之時已  
百有一年疑非一人也

輪人

**禮記雜記**古者貴賤皆杖叔孫武叔朝見輪人以其杖  
關轂而鞅輪者於是有所爵而后杖也**禮記**輪人作車輪之  
官

案周禮考工記攻木之工有輪人

鞅人

**禮記祭統**鞅者甲吏之賤者也**禮記**鞅周禮作鞅謂鞅  
皮革之官也**禮記**案周禮考工記鞅人為臯陶鄭云臯陶  
鼓木也言鞅人之官掌作鼓木張皮兩頭鞅之以為鼓  
是鞅礫皮革之官

**禮記祭統**鞅者甲吏之賤者注云鞅周禮作鞅蓋

謂磔皮革之官周禮鞀人為鼓鮑人為甲案周禮所禮人為甲

記是諸侯兼官故鞀為甲吏也

案考工記攻皮之工有鞀人

玉人

**左傳**襄公十五年宋人或得玉獻諸子罕子罕弗受獻

玉者曰以示玉人玉人以爲寶也故敢獻之**玉人**能

治玉者

案考工記刮摩之工有玉人

陶人

**禮記**大司馬陶人出重鬲陶人作瓦器之官也



案考工記搏埴之工有陶人喪大記多記諸侯之禮是諸侯有陶人也

匠人

**禮記雜記**匠人執羽葆御柩**疏**匠人工人也周禮喪祝御柩此云匠人者周禮王禮此諸侯禮也

案考工記攻木之工有匠人

司里

**左傳襄公九年**宋災使伯氏司里**注**伯氏宋大夫司里里宰**疏**周禮里宰每里下士一人謂六遂之內二十五家之長也此言司里謂司城內之民若今城內之坊里

也里必有長不知其官之名周禮有里宰故以宰言之非是郊外之民二十五家之長也

**司里**不授館**司里**里宰也掌授客館

火之初見期於**司里**致其築作之具會於**司里**之官周之秩官有之曰敵國賓至**司里**授館**司里**授客所當館次於卿也聘禮卿致館

**公**欲弛邱敬子之宅對曰先臣惠伯以命於**司里****言**先臣惠伯受命於**司里**居此宅也

案**司里**章杜釋以里宰孔穎達已辨之據國語云營室之中土功其始火之初見期於**司里**則**司里**當爲

司空之屬主管宮室者客館亦宮室之事故司里掌授之卿以幣致之聘禮云大夫帥至於館卿致館此司里當彼大夫也親禮天子賜舍注賜舍猶致館也里爲司空所使者司空與以此證之益知司之屬也左傳使伯氏司里杜注伯氏宋大夫韋注云司里授客所當館次於卿則諸侯之司里以大夫爲之明矣王制云司空執度地居民司里爲司空之屬故又掌授民居魯語文公欲弛郕敬子之宅對曰先臣惠伯以命於司里是也

### 水師

**國語周語**單子曰周之秩官有之曰敵國賓至水師監

濯注水師掌水監滌濯之事者

案此篇所言官制當是周初侯國之制說見前火師職司空主水水師當屬冬官此與上司里皆不見周禮其為冬官之闕可知也

工正

左傳莊公二十一年陳公子完奔齊齊侯使為工正注掌百工之官

襄公九年使皇郎命工正出車注工正主車注周禮司馬之屬無主車之官巾車車僕職皆掌車乃為宗伯之屬昭四年傳云夫子為司馬與工正書服是諸侯之官

司馬之屬有工正主車也

**昭公四年** 夫子為司馬與工正書服 **注** 服車服之器工

正所書 **疏** 工正雖不屬司馬掌作車服故與司馬書服

也

案工正工官之長周人上輿一器工聚者車為多故

特主之其實工正總掌百工如月令工師之職 月令命工

師令百工注工師司空之屬官也又 襄九年傳疏以云命工師效工注工師工官之長也

為司馬之屬非也

圻人

**左傳襄公三十一年** 圻人以時煗館官室 **注** 圻人塗者

**疏** 圻是塗之所用因謂泥牆屋之人為圻人

舟虞

**國語** 舟虞與司馬 **舟虞掌舟**

案月令有舟牧注云主舟之官此云舟虞蓋諸侯官名考工記云作車以行陸作舟以行水舟虞亦冬官之屬也

附大夫家臣考

老室老即見士昏禮度車見聘禮史筮卦者宗人宰有

宰有祝亦日小祝司馬司士又有司雍人其長謂之雍

府雍人司宮宰夫又有宰見少牢饋食禮及有司徹

案以上俱詳儀禮篇內

闈人禮記檀弓季孫之母死哀公弔焉會子與子貢弔焉闈人為君在邦內也注闈人守門者是大夫之

家有關人也

寺人左傳宋公使寺人召司馬之寺人宜僚齊

豎左傳穀陽豎獻飲於子反注穀陽子反內豎又叔孫穆子使牛為豎是大夫有豎也

司徒禮記檀弓孟獻子之喪司徒旅歸四布疏皇氏以

義禮澤官卷八考下

左傳叔孫氏之司馬駸戾是家臣亦有司徒司馬也○  
案據周禮有家司馬無家司徒恐大夫未必有司徒之

官今存其說備參

賈正左傳臧會奔邱邱魴假使為賈正焉疏賈正如周禮之賈師此邱市之賈正亦家臣也

工左傳叔孫穆子食慶封使工為之誦茅鴟是大夫有樂工也

車差車左傳叔孫氏之車子鉏商獲厥疏厥處云車士此大夫之家主車者又鮑子醉而往其

臣差車鮑點注

差車主車之官

貳車國語魯語大夫有貳車備承事也

卿御右左傳卿無共御立軍尉以攝之疏若梁餘子養御罕夷解張御卻克之類恒有定員掌共

卿御案晉侯伏甲攻趙盾其右提彌明知之會孟獻子以秦董父為右是有卿御亦有卿右也

御駟左傳孟氏之御駟豐點疏駟是掌馬之官蓋兼掌御事謂之御駟



圉人左傳齊崔子使圉人駕又陳氏鮑氏之圉人為優是大夫有圉人也

家士案周禮有都宗人家宗人都司馬家司馬又有都士家士主治都家吏民之獄訟據諸侯之大夫有

當宗亦有人家司馬當亦有家士也

工師左傳叔孫謂郕工師黜赤注工師掌工匠之官案此郕之工師亦家臣也

側室貳宗左傳脚置側室大夫有貳宗疏卿之家臣其數多矣其側室一官必用同族為之貳

宗與側室為例皆是官名

管庫之士禮記檀弓所舉於晉國管庫之士七十有餘家注管庫之士府史以下官長所置也

儀禮釋官卷八

許能海校字

儀禮釋官卷九

續溪胡匡衷樸齋著

侯國職官表

天子六卿諸侯并爲三所以辨等威防冗濫然君國子民之事同則治教禮政刑事之典闕一不可也此表依周禮六官次第凡見於經而可信爲周初侯國之制者則書其官其疑而未能定者依次附錄其說若出後人之僭設者則闕而不錄分孤卿大夫士庶人在官者爲五格其官爵下周禮一等本鄭氏燕禮注推而列之

燕禮注云天子射人司士皆下大夫諸侯

則上後之言官制者將有覽焉

孤卿

大夫

士

庶人在官者

諸侯推諸侯之卿為上大夫謂下大夫諸侯士謂命士有上中下庶人在官者謂不命上公之大夫大國次國無中大夫周禮曰博三等主制曰上士二之士及府史胥徒

國有孤小國皆三卿周其伍主制曰下大夫于七人其中士下士一人周禮曰設其參卿五人皆謂三卿下治之數未聞

禮曰公飲酒義曰建國事者其實大夫不止之孤四必立三卿五人也

命儀禮孤亦稱公

士儀禮謂之士庶人

宰

小宰

宰夫

宰夫有司

宰即家宰諸侯諸侯下大夫五人小

無冢宰以司徒宰小司徒小司馬小

兼之鄭氏云諸司冠小司空是也

見大射儀

侯謂司徒為宰

春秋時通謂膳宰為

皆同官其下有府史胥徒此宰夫有司即宰夫下府史之屬左

傳之宰人疑亦此類

**圖錄**

案周禮有宮正掌宿衛諸侯宜以庶子兼之說見燕禮庶子職

膳宰

小膳宰

膳宰如周禮膳夫之職小膳宰其佐

庖人

雍人

周禮有內饗外饗之官諸侯以雍人兼之

宰胥

宰胥即膳宰下府史胥徒也亦曰胥

旅人

旅人即雍人下府史胥徒也與少牢雍府同

甸人

如周禮甸師之職屬  
禮甸師下士諸侯之  
官降天子一等既不  
得為士又非府史當  
使不命之士為之復  
凡周禮下士之官放  
此



案周禮有亨人掌其  
鼎鑪鄭氏云諸侯以  
甸人養之

獸人  
漁師  
醫

周禮醫師為衆醫之  
長其屬有食醫疾醫  
瘍醫獸醫

### 司宮

如周禮宮人之職

### 司宮士

司宮士蓋司宮下府  
史胥徒之屬

### 管人

周禮有掌舍幕人掌  
次皆下士諸侯以管  
人兼之

### 府人

周禮有大府玉府內  
府外府諸職諸侯可  
考見者惟有府人而  
已又有廋人見左傳

### 賈人

賈人在官知物賈者  
周禮大府玉府下皆  
有賈人見聘禮

宮宰

如周禮內宰之職見  
公食禮

內小臣

內小臣奄人亦曰巷  
伯又謂之內官之士

關人

刑人墨者使守門

寺人

寺亦作侍奄人

內豎

豎未冠者之官名

司徒

諸侯三卿司徒  
司馬司空是也  
崔氏云立司徒  
兼冢宰之事

小司徒

鄉大夫

春秋時稱鄉正又稱  
鄉長見左傳國語  
亦曰州伯

州長

州府  
州史

見卷八鄉遂官考

世婦

女史

女奴曉書者  
案內小臣至女史皆  
內官非士故附列於  
此



黨正

見卷八鄉遂官考

○

案周禮黨正下有族師閭胥比長諸侯宜亦有之

封人

鼓人

閭府

閭史

見卷八鄉遂官考

○

周禮地官有舞師下士二人左傳宋以桑林享晉侯舞師題以旌夏杜注師樂師案周禮舞師掌教野舞

師氏

周禮大司馬師以賢  
得民鄭氏云師諸侯  
師氏

縣師

保氏

周禮大宰職儒以道  
得民鄭氏云備陪俅  
保氏

牧人

不奉養者樂食之年  
在傳之舞師疑即春  
官諸師之類與周禮  
各同實具

案周禮市官有司市  
質人區人胥師賈師  
司諛司稽胥肆長泉  
府諸職春秋時宋鄭  
衛皆有楮師杜氏云  
市官或諸侯之官與  
天子異名與

門尹  
如周禮司門之職

關尹

左傳昭公二十五年  
城會奔邱邱魴假使  
爲質正焉孔疏云賈  
正如周禮之賈師

關人

關人之長如周禮司  
周禮司關上士二人  
每關下士二人此關  
人謂每關關人

關之職

案

案周禮有掌節上士  
二人其職云掌守邦  
節而辨其用書康誥  
云越小臣諸節傳以  
為諸有符節之吏疑  
即周禮掌節也

縣人

隧正

隧正兼周禮遂人遂  
如周禮縣正之職見  
大夫之職見卷八鄉  
卷八鄉遂官考  
遂官考

案

案周禮縣正下有郵

師鄉長里鄰長諸職諸侯宜亦有之

又宋諸侯鄉遂之外亦有公邑使大夫治之謂之縣大夫見卷八鄉遂官考

虞人

迹人

廩人

案周禮有傳人奄二人鄉司農云主秩官其職云共王及后之六度左傳晉侯欲與使甸人獻麥饋人爲

諸侯無宗伯以諸侯無小宗伯氏  
司滿兼之云小句屬兼宗伯之事

### 宗人

諸侯掌禮之官惟有宗人亦曰大宗

### 宗有司

國語有宗有司蓋宗人下府史之屬

之疑儀人即禮儀人之官諸侯與天子異名也

案周禮有雜人下士一人其職云凡國事為期則告之時諸侯以聖亞氏兼之

案周禮有司凡筵下士二人鄭氏云諸侯之官無司凡筵也

### 司服

冢人

掌公墓之地見士喪

禮

司墓

如周禮墓大夫之職掌凡邦墓之地域

小樂正

如周禮樂師之職

大樂正

如周禮大司樂之職

大胥

見卷八樂官考

小胥

見卷八樂官考

大師

少師

瞽矇

大師少師樂工之長

儀禮謂之 鄭氏云

工替也周禮替

有上替中替下替又

其下有眡眡賈疏謂

諸侯無眡賈疏也

磬人

如周禮磬師

鍾人

如周禮鍾師

笙

如周禮笙師

鑄人



如月屬備師

備師

備師丞

大至世子云備師學  
戈備師丞贊之孔疏  
云月禮惟有備師此  
云備師丞者或諸侯  
之禮見卷八樂官考

狄人

狄與翟古字通鄭氏  
云翟謂教羽舞者案  
周禮無狄人疑即備  
師之屬見卷八樂官  
考

卜人

周禮掌卜之官有六  
下卜師卜人諸侯惟  
有卜人而已亦曰卜  
士見卷八卜筮官考  
案周禮有龜人掌六  
龜之屬諸侯以下人  
兼之故又謂卜人為  
守龜見卷八卜筮官  
考

筮人

案周禮有占八卜士  
八人其職掌占龜筮  
諸侯宜亦有之說見  
士喪禮及卷八卜筮  
官考

表

九

亦曰巫史見卷八卜筮官考

占夢

大祝

亦曰祝史

小祝

見燕禮祝史考

喪祝

案周禮有喪祝士去二人諸侯亦有之又有夏祝商祝俱為禮者見士喪禮

巫

案周禮有司巫其職

云掌羣巫之政令又

有男巫女巫巫諸侯亦

皆有之

大史

亦曰左史

小史

內史

亦曰右史

外史

見禮禮內史職

巾車

王人

案周禮巾車下有工人國語云敵國賓至工人展車疑卽此

案周禮有典路其職云掌王及后之五路詩魏風云殊異乎公路公路疑如典路之官孔穎達以為巾車非也

又案周禮有車僕辨侯疑以巾車兼之說見大射巾車禮

### 家宗人

周禮卿大夫有家宗人諸侯之大夫亦有

七見少名

司馬

諸侯司馬兼宗伯之事

小司馬

諸侯小司馬兼小宗伯之事

軍司馬

案周禮有軍司馬與司馬行司馬左傳有中軍司馬上軍司馬是諸侯亦有之儀禮大射之司馬正司馬師疑即以軍司馬為之

量人

火師

即周禮有量之義

案周禮有軍司馬

凡人其職則疏云  
守禮界左傳齊人使  
魯攝事更來告魯也  
疑即齊攝也

候人

掌盟氏

諸侯盟尊其祭人  
之職

射人

儀禮大射儀有司射  
大射正小射正皆射  
人為之

服不氏

司士

庶子

如周禮諸子之職亦謂之公族

禮記

宋周禮有司右其職

掌羣右之政令左傳

荀賓爲有司士屬焉

孔疏云司士蓋周禮

司右之類

旅賁氏

節服氏

小臣

儀禮有小臣正小臣

師

僕人正



僕人師

僕人士

賓周禮有大僕小臣祭僕皆備皆同官諸侯無大僕以小臣兼之僕人蓋如周禮御僕之職正其長也師其佐也

士謂府吏之屬

隸僕人

如周禮隸僕之職

矢人

疑如周禮司弓矢之職

弓人

疑如周禮司弓矢之職

戎右

案周禮有戎右齊右  
道右諸侯可考見者  
惟有戎右而已見卷  
八御右官考

御戎

案周禮有大馭戎僕  
齊僕道僕田僕甸夫  
皆掌馭車之官此御  
戎當彼戎僕也又左  
傳晉有乘馬御孔疏  
以為當周禮齊僕見  
卷八御右官考

校人

左傳有校正養校人  
之長

宋周禮有慈馬下士  
 其職掌養說之類左  
 傳程鄭為乘馬御六  
 騶屬焉使訓養辨知  
 禮孔疏以騶為主馬  
 之官如周禮越馬詩  
 鄭風命彼信人呈言  
 風駕毛傳云信人主  
 駕者疑亦如騶馬之  
 官或謂係各異其名  
 也

度人

見禮禮度車職

圉人

家司馬

諸侯無大司寇  
之官以司空兼  
之

小司寇

士師

周禮賸大夫有  
馬諸侯之大夫亦有  
之見少牢禮

案周禮有縣士中士  
三十有二人其職掌  
野之獄左傳鄭災使  
野司寇各保其徵杜  
注以為縣士是諸侯  
亦有之

案周禮有訝士中士  
八人其職主送逆賓  
客諸侯疑亦有之說

行人

凡禮有大行人小行人之官諸侯惟有人而已亦曰行理

見聘禮說

訝

訝禮說謂陪侯亦有掌湖之官

隸人

凡禮司隸掌主器之屬其下有隸人隸人即司隸之屬

條狼氏

家士

周禮有家士治冢之  
獄訟諸侯宜亦有之  
見卷八大夫家臣考

司空

禮傳司空兼司  
冠之事

小司空

匠師

輪人

釋人

詩疏云諸侯釋人兼  
輪人

玉人

陶人

司里

水師

工正

案左傳諸國皆有工正鄭氏云掌百工之

梓人

匠人

案周禮致工記三十工有弓人為弓矢人為矢備禮有弓人矢人其職主射時授受弓矢如夏官司弓矢辨人之職與致工之弓人矢人別也

工人士

案左傳諸國皆有工備禮大射有工人士鄭氏云司空屬今

管  
又案水師工正俱非  
工人但爵無可考附  
列於此

案天工人官制工正  
以下之官

圻人

舟虞

案自司里至舟  
虞六職雖不見  
周禮而可傳為  
司空之屬今並  
採入以存儀禮  
之制兼可補周  
官之缺焉

儀禮釋官卷九

儀禮釋官卷九表

張瑞符  
葉光苑  
校字